



ATASSUT

UPA15/92-1

Siverth K. Heilmann

18.03.2015.

Uunga siunnersuut: Suliffeqarnermi innersuussisarneq il.il. pillugit Inatsisartut inatsisaata nr. 5, 8. juni 2014-imeersup allangortinnissaa pillugu Inatsisartut inatsisaat nr. xx, yy 2015-imeersoq.

(Inuussutissarsiornermut, Suliffeqarnermut, Niuernermit Nunanullu allanut Naalakkersuisoq)

Suliffeqarnermi innersuussisarneq il.il. pillugit Inatsisartut inatsisaata nr. 5, 8. Juni 2014-imeersup allangortinnissaanik Naalakkersuisut siunertaqarnerat ATASSUT-miit ilassilluarparput.

Ukiorpassuarni pingaartumillu suliariumannittussarsiorartoqartillugu, nunaqavissut tikisitallu matumanilu ilinniarsimasuunissamik ilinniarsimangitsunillu neqeroortitsisarnermi uparuartuutit imaaginnavissut apuussorneqartarput.

Misissuisitsinerit naleqqussaanerillu ingerlanneqartarput, taamaattorli massakkut qularnanngilaq, Naalakkersuisut inatsisissami § 10-p ersarissarneqarneratigut kommuunillu peqataatinnerisigut nunatsinni suliffeqarfiit tamarmiusut inuttassarsiukkanik suliffissarsiorturnillu tamanit akuerineqarsinnaanerusumik aqutissiuussissasugut ATASSUT-miit qularutiginnilarput.

Taamatutaaq ATASSUT-mit assut iluarisimaarparput qarasaasiat attaveqaqatigeeriaaserlu nutaaliaasoq atorlugit sulisussarsiorlut suliffissarsiorturnillu imminnut attaveqaqatigiikkasuarsinnaalernissaat ataqaqatigiissaakkamik aqqissuunniarneqarmat, qularutiginnigilluinnarparput tamanna annertuumik iluaqutigineqarumaartoq.

Taamatut naatsunnguamik oqaaseqarluta ATASSUT-miit akuersaarnerput nalunaarutigaarput, inassutigissallugulu aalajangiiffigisassatut siunnersuutip aappassaaneerneqannginnerani ataatsimiititaliami susassaqtumi suliarineqaqqaarnissaa.